



UNIVERSITÄTS-  
BIBLIOTHEK  
PADERBORN

**De Ortv Et Progressv Ac Viris Illvstribvs Ordinis  
Gloriosissimæ Dei Genitricis, semper Virginis Mariæ de  
monte Carmelo**

**Trithemius, Johannes**

**Coloniae Agrippinae, 1643**

Elogia Summorum Pontificum. de eodem Ordine.

---

[urn:nbn:de:hbz:466:1-64495](https://nbn-resolving.org/urn:nbn:de:hbz:466:1-64495)

nentiam ubertatemq̄, & nominis interpretationem, Ordo in eo incaptus Seraphicus dicitur, quia omnibus ceteris Ordinibus praestantior est, de cuius plenitudine omnes Ordines alij accipiunt. Hæc ille. Idem paulo explicatius docet S. IOANNES Patriarcha Hierosolym. 44. in libro de institutione primorum Monachorum in lege veteri exortorum, & in noua perfeuerantium, cap. 16. Carmelitas alloquens his verbis: *Quicquid perfectionis est in hac vestra Religione Eremitica, à SS. Propheta Dei Elia, tanquam à primordiali, & principe Monachorum authore, exemplariter emanauit: & primo quidem in filios Prophetarum eius discipulos, deinde ab illis in ceteros nostræ Religionis Professores, ei tam in monastica eorum cõuersatione, quam in locorum habitatione, succedentes, & demum ab his in reliquos alibi degentes. Sed & omnium Monachorum conuersatio sancta ab Elia, & dictis eius discipulis, filijs Prophetarum, est deriuata: quamuis etiam in diuersis mundi partibus, post Eliam, surrexerint in lege noua diuersi Monachorum Principes, qui conati sunt, secundum diuersa statuta, siue instituta specialia, suos discipulos principaliter perducere ad illum finem, & per illos gradus, per quos Elias ad finem, & perfectionem vitæ monasticæ, secundum formam, per Deum ei tractam, suos discipulos perduxit. Propter quod predicti Monachorum Principes, in sana doctrina vitæ monasticæ fuerunt velut quidam particulares riuuli ab ELIA, tanquam à primordiali, & vniuersali omnium riuulorum fonte, deriuati. Hactenus ille.*

ELOGIA SVMMORVM PONTIFICVM DE  
SACRO CARMELIT. ORD.

**Q**VI huius Ordinis splendorem, & emerita Elogia pro illius dignitate enarrare aggressus fuerit, in plura volumina laborem & argumenti tam fecundi tractationem extendere oportebit. Quod cum non sit ex instituto huius operis, in quo

in quo varia argumenta sub compendio recensentur, præ alijs multis, pauca Romanorum Pontificum, de hoc antiquissimo omnium Religiosorum Ordine, encomia in medium adducentur. E quibus nullo negotio cuius constabit, quo in pretio semper apud eosdem, Ordo hic fuerit. Deinde subijciuntur nonnullæ reuelationes & effata Prophetica de futuro eiusdem statu.

*Sixtus IV.* Refert SIXTUS IV. & GREGORIUS XIII. quod in Bulla muki Romani Pontifices, videl. *S. Leo IV.* qui sedit dum at- an. 848. *Adrianus II.* an. 868. *Stephanus V.* an. 885. tenta me- *Sergius III.* an. 909. *Ioannes X.* an. 913. *Ioannes XI.* ditatione. an. 932. *Gregorius V.* an. 996. *Sergius IV.* an. 1009. *Dat. Rom.* *Alexander II.* an. 1061. *Gregorius VII.* an. 1073. *Lucian.* 1476. *Cicilius III.* an. 1181. *Gregorius VIII.* an. 1187. *Clemens III.* an. 1188. *Honorius III.* *Innocentius IV.* *Gregor.* *Alexander IV.* *Vrbanus IV.* *Clemens IV.* *Honorius IV.* *Nicolaus IV.* *Bonifacius VIII.* *Benedictus X.* XIII. in *Ioannes XXII.* *Benedictus XII.* *Clemens VI.* *Innocentius VI.* *Gregorius XI.* *Vrbanus VI.* *Eugenius IV.* Bulla, vt *Nicolaus V.* *Calistus III.* *Pius II.* *Paulus II.* & alij laudes. *complures:*) ob reuerentiã gloriosissimæ ac in- *Dat. an.* 1577. *temeratae Dei genitricis semperque Virginis MARIÆ de monte Carmelo, & singularem deuotionem, quam ad illam, & Ordinem Carmelit. eiusdem Dei genitricis MARIÆ titulo specialiter insignitum, gesserunt, diuersas indulgentias & peccatorum remissiones, priuilegia, facultates, gratias, exemptiones, immunitates & libertates dicto Ordini, illius Ecclesijs ac domibus, atque ab illis dependentibus locis concesserint, quas ipsi confirmarunt & approbarunt.*

IOANNES XXII. & CLEMENS VI. ita in suis litteris Carmelitas alloquuntur: *Sacer Ordo vester in agro dominico, diuina dispositione plantatus, & gloriosa Virginis MARIÆ titulo specialiter insignitus, Apostolicus gratijs dignè meretur attolli, cuius professores, mundanis à se relegatis illecebris, cœlestium*

contemplationi vacantes, insistent iugiter profectibus  
animarum, &c.

Idem IOANNES in Bulla dat. an. 1327. Pontifica-  
tus sui anno vndecimo. Inter ceteros (ait) Ordines,  
in agro plantatos Ecclesia sacrum vestrum Ordinem  
claris suis exigentibus meritis, gerentes in visceribus  
charitatis, &c.

VRBANVS VI. in Bulla cuius initium est, Picta-  
ris opus, sic inquit: maximè cum ipsi (Carmelitæ)  
studcant sub extrema paupertate viuere, ipsorum  
etiam ad hoc feruenter aspiret affectio, ut per eorum  
ministerium salus Deo proueniat gratissima anima-  
rum, &c. Ac in alia Bulla: Sacer, ait, Ordo vester in Ex specu-  
agro Dominico diuina dispensatione plantatus, Domi- lo Ord.  
nicum gregem illuminat, & currentibus in stadio iter fol. 72.  
insinuat, quo ad salutis brauium facilius peruenitur.  
(Et infra:) Hæc sacra Religio virtutum fecunditate  
referta, ex sua institutionis exordio, per insignium me-  
ritorum gratiam, & exemplaris vitæ doctrinam, ube-  
res hæcenus in vniuersali Ecclesia honestatis fructus  
protulit, & salutis, &c.

SIXTVS IV. his verbis in suo diplomate dat. an.  
1476. eundem Ord. commendat: Dum attenda me-  
ditatione pensamus, quod Virgo venustissima, & om-  
nium virtutum floribus insignita, Virgo Dei genitrix  
gloriosissima, cuius pulchritudinem Sol, & Luna mi-  
rantur, cuiusq; precibus inuatur populus Christia-  
nus, & que florem preciosissimum, immarcessibilem &  
æternum, Dominum nostrum IESVM Christum, inef-  
fabili Spiritus Sancti cooperante virtute genuit, pro- Forsan  
duxit sacrum Ordinem B. MARIÆ de Monte Car- ideo dicit  
melo, à sede Apostolica, pluribusq; Romanis Pontifi- Pontifex  
cibus prædecessoribus nostris approbatum: quem eius- B. MA-  
dem gloriosissima Dei genitricis semperq; Virginis, spe- RIAM  
ciali titulo voluit insigniri: ut ob eiusdem Virginis re- Virg. hunc  
uerentiam, Ordo ipse, à Christi fidelibus, merito per- Ordinem  
amplius veneraretur: ipsiq; fideles propterea eiusdem produxis-  
Virginis MARIÆ adiuti suffragijs, æterna retribu- se, quia  
tionis

*S. Vates* tionis premia facilius consequi mererentur. Dumque  
*Elias non-* sublimium dicti Ordinis utriusque sexus personarum  
*gentis tri-* virtutum merita, Deo quidem grata, & in conspectu  
*ginta an-* Apostolica Sedis accepta, digna memoria recensemus.  
*nis ante* Ac Ordinem ipsum, & illius personas sub sedis Apo-  
*Christi* stolica, & Ecclesia Romana protectione, immediatè  
*ortum, in* existentes, & inter ceteros Regularium Ordinum  
*Deip. V.* Professores in firmamento Catholica Fidei militantes,  
*adhuc* tanquam Religionis speculum, & exemplar, spe-  
*naſcituræ* ciali charitate fulgentes; Sanctorumq; Prophetarum  
*honorem* ELIÆ & ELISÆI, & aliorum Sanctorum Pa-  
*& obse-* trum, qui montem sanctum CARMELI, iuxta ELIÆ  
*quium* fontem inhabitarunt, successionem hæreditariam  
*S. Carme-* tenentes: fructus quoque vberes, quos dictus sacer-  
*lit. Ord.* Ordo in agro militantis Ecclesia in propagatione Reli-  
*instituit,* gionis, & fidei orthodoxa, hæctenus produxit utiliter,  
*post visam* & producit, ac in futurum producturum fore indubi-  
*ſcil. ab eo* tanter speramus; paterna charitate intuemur; digni-  
*in monte* quinimo & debitum reputamus, &c. Ac multis in-  
*Carmelo* terpositis subiungit: Attendentes vberes fructus,  
*nubeculã,* quos dictus Ordo, ut prædiximus, multa refulgens glo-  
*quasi ve-* ria meritorum, & gratia redolens sanctitatis in agro  
*stigium* militantis Ecclesia, in propagatione Religionis, & fidei  
*hominis* orthodoxa, hæctenus produxit utiliter, & producit, ac  
*de mari* in futurum producturum spe firma tenemus, ac illius  
*ascenden-* statum prosperum & tranquillum, palmites suos à  
*tem, &* mari usque ad mare, & etiam ad barbaras extenden-  
*ipsam SS.* do nationes, propter illius antiquitatem & in monte  
*Virginem* Carmelo primariam foundationem, intensis zelantes  
*præfigu-* affectibus ac cupientes, &c. Eadem quasi repetit idè  
*rantem.* Pontifex in alio diplomate, datò sequenti anno, die  
 vigesima sexta Martij.

Similia fere habet GREGORIUS XIII. in Bulla  
 dat. an. 1577. die 18. Septembris. Ut laudes, inquit,  
 gloriosissima Virginis MARIÆ referre, qua salutis  
 nostra protulit authorem, lingua nunquam cesset hu-  
 mana, sed eius sanctiss. nomen pia deuotione celebre-  
 tur ac veneretur: sacrum Ordinem sub inuocatione  
 eiusdem

eiusdem B. MARIÆ de monte Carmelo, quem eadem virgo venustissima, & omnium virtutum floribus insignita, edidit, proprijque nominis titulo insigniuit, à pluribus Romanis Pontificibus prædecessoribus nostris approbatum, varijsque priuilegijs & facultatibus iam pridem decoratum: ex quo in agro Domini uberes fructus manarunt, & indies non mediocres producuntur, gratia nostra speciali complectendum esse censemus. Et post pauca subdit: Nos igitur Ordinem ipsum, illiusque personas inter ceteros Regularium Ordinum Professores, in Catholica Ecclesia militantes, tanquam Religionis exemplar speciali charitate fulgentes, sanctorumque Prophetarum ELIÆ, ELISÆI & ENOCH, necnon & aliorum sanctorum PATRVM, qui montem sanctum Carmeli, iuxta ELIÆ fontem inhabitauerunt, successionem hæreditariam tenentes, specialibus fauoribus & gratijs prosequentes, &c.

Sequentes Bullæ loquuntur de Carmelitis Discalceatis.

SIXTVS Papa V. in Bulla cuius initium est, Decet Romanum Pontificem, ita de illis loquitur: Cum sicut accepimus Fratres Congregationis Discalceatorum Ordinis gloriose Virginis MARIÆ de monte Carmelo, strictiorem & austeriorem, quam alij fratres, Mitigati nuncupati, dicti Ordinis viuendi rationem introduxerint, ac Regulam & obseruantiam primi eiusdem Ordinis instituti sequantur, litterarumque studijs & verbi Dei prædicationibus, necnon diuersis alijs spiritualibus & fructuosis ministerijs, etiam ad remotissimas Indiarum partes, ubi saluandarum suarum operum animarum copiosior proventus speratur, frequenter transeundo, assidue incumbant, &c. Ac in alia dat. eodem anno die 10. Iulij. Cum (ait) numerus Fratrum & Monialium Discalceatorum, non mediocriter auctus fuerit, & indies maiora (benedicente Domino) suscipiat incrementa, cum diuini cultus augmento, bona fama odore, ac spirituali fructu &

consolatione animarum, tum ipsorum Religiosorum, tum etiam aliorum Christi fidelium, qui p[ro]p[ri]js eorum exemplis in viam salutis diriguntur: iamq[ue] non modo per vniuersam ferè Hispaniam, sed etiam in Indijs quam plura Monasteria & domus, aliaq[ue] regularia loca Discalceatorum instituta & erecta fuerint, &c. Præterea in alio diplomate dato die vndecimo Iulij eiusdem an. 1587. laudat & approbat deuotionem eorum erga SS. Eucharistiæ Sacramentum inquit: Cum sicut accepimus, dilecti filij Fratres Ordinis gloriosiss. Dei genitricis semperq[ue] Virg. MARIE de monte Carmelo, Congregationis Discalceatorum mentis Christi fidelium in his, quæ ad fidem & SS. Sacramentorum usum & frequentiam spectant, præsertim degentium in partibus vicinis terris hæreticorum confirmare & consolidare, ac singulis quintis ferijs, festo nouem lectionum vacantibus missam de SS. Eucharistiæ Sacramento celebrare solent. Nos hanc ceptam laudabilem & salutiferam consuetudinem Apostolica Authoritate tenore præsentium approbantes & confirmantes, monemus & hortamur in Domino prædictas Fratres Discalceatos, ut ubiq[ue] præsertim in partibus vicinis terris hæreticorum, & in Indijs eandem consuetudinem prosequentes, &c. Deinde largitur Fratribus Discalceatis & omnibus Christi fidelibus, qui in illorum Ecclesijs, præfatis ferijs quintis Missæ, Prædicationi, aut Lectioni verbi Dei interfuerint: aut ad orandum accesserint: aut Confessione communicauerint largissimas indulgentias.

CLEMENS VIII. in Bulla quæ incipit, in Apostolica dignitate, sic de hoc Ord. loquitur: Nos cupientes Ordinem prædictum (cuius Professores primitiua Regula à bona memoria Alberto Patriarcha Hierosolymitano ipsi Ordini præscripta, & à scel. record. Innocentio Papa IV. Prædecessore nostro, primo Septemb. anni 1248 Pontificatus sui anno quinto Confirmata normam, tum in regnis Hispaniarum, tum in Italia degentes obseruant, & in vtrumq[ue] insti-

tuti sui finem, priorem scilicet ac potiore, qui est di-  
uina unio per orationem & contemplationem, & po-  
steriorem, qui est salus proximorum, verbo & opere  
sanctorum Prophetarum Eliae & Elisæi, aliorumq;  
sanctorum Patrum, quorum hæredes sunt, vestigijs  
insistentes incumbunt) in alma Vrbe nostra propagari  
(& infra,) Porrò, cum præter fide dignissimorum testi-  
monia, quæ de huius Ordinis sanctitate ad nos perlata  
sunt, nos ipsi experientia cognouerimus, quantum uti-  
litatis in Ecclesia Dei pijs eorum exercitijs, tum ora-  
tionibus, mortificationibus, asperitate vitæ, tum Pra-  
dicationibus, Confessionibus, & Sacramentorum ad-  
ministracione ad Dei laudem, & Christi fidelium ani-  
marum salutem quotidie afferat. Volentes ulteriori  
eiusdem Ordinis propagacioni, opportunè prospicere, In Bulla  
&c. Atque iterum alibi: Præterea (ait) cum vberes  
laborum suorum fructus ex continuis suis Pradica-  
tionibus, lectionibus, studijs, exhortacionibus, & alijs  
pæne innumeris pietatis operibus, quæ pro salute ani-  
marum assidue præstant Ecclesia colligat, & vberio-  
res quotidie colligere speret, utpote qui iam ad Indos  
vsque sint non modicè propagati, ibiq; & vbilibet  
hominum corda ad Deum, omni studio conuertere ni-  
tantur, &c.

In Bulla

dat. an.

1594 die

23. Mart.

Idem Pontifex aliquot ex hoc Ordine ad Regem  
Persarum misit, pro illius regni conuersione, varia  
& amplissima illis concedendo Priuilegia, quæ pro-  
lixè referuntur in Bulla quæ incipit: Dominici gre-  
gus cura nobis diuina dispositione commissa exigit, ut  
non solum Christi fidelium animarum saluti, quan-  
tum cum Domino possumus, prospiciamus, sed infide-  
lium quoque conuersioni sollicitis studijs intendamus;  
cumq; ad præmissa exequenda Religiosi Viri pietate  
Christianâ & Catholica fidei zelo, ac sacrarum litte-  
rarum doctrinâ præstantes, & vitæ imprimis ac mo-  
rum sanctitate conspicui requirantur, & in vestrà  
Religione nunc spiritu feruenti (benedicente Dom no)  
Religiosi plures reperiantur, eò quòd diuinâ affluente  
K a gratiâ

gratiâ sanctæ orationi ac contemplationi vacantes, scripturarum litterarum studio, prædicationi verbi Dei, atque animarum salutis diligenter incumbitis, & in militia, paupertate, nuditate, abstinentiâ, ieiunijs, & vita austeritate prælucentes, Patris vestri & Prophetæ sanctissimi ELIÆ, vestri instituti auctoris alumnos, & imitatores vos ostenditis, ex vestrâ religione & Congregatione primitiua obseruantia Discalceatorum nuncupatorum ad Illustrem & Potentissimum Abax Persarum Regem illiusq; Regna, domus & loca, & ad aliorum quorumcumq; infidelium, Schismaticorum, & hæreticorum partes, vt in illis Euangelium Christi prædicare, Ecclesiastica Sacramenta ministrare, & tam fidelium in illis partibus foris degentium animarum salutis consulere, quàm infidelium & aliorum prædictorum conuersioni operam præstare curent, nunc & in futurum aliquos per vos ad hoc deputandos quamprimum deligendos & transmittendos esse duximus. Vt autem ij, quos ipsi ad hoc munus deputaueritis, ministerium hoc facilius & commodius ad Dei gloriam, & Catholica Ecclesia exaltationem adimplere possint, &c. Nunquam tamen manifestius indicauit præfatus Pontifex, quid de Ordine hoc sentiret, quam in sequentibus litteris datis ad Persarum Regem; quarum tenor talis est:

Illustri ac Potentissimo SCIAHABAS Regi Persarum CLEMENS Papa VIII.

Illustris ac Potentissimè Sciahabas Persarum Regi, adiut tibi Deus, & perfectam in omnibus rebus veritatem, & vitam ostendat.

Mihi enim iam ad te Paulum Simonem, Ioannem Thadæum, & Vincentium, Fratres Ordinis B. Mariæ de monte Carmelo, eisq; mandauimus, vt nonnulla negotia nostro nomine tibi exponerent. Cumque facile futurum sit, vt ea de causa aliquamdiu apud te moram trahant, eis iniunximus, vt interea Christi fideles, qui sub tua potestate sunt, nostro nomine inuisant: vt memores sint salutis æternæ, eos salutaribus

taribus præceptis instruant, & iuxta Christiano-  
rum ritum, & facultates eis concessas, spirituali-  
bus remedijs & sacrosanctis Sacramentis reficiant.  
Vt autem tu aliqua de eorum instituto intelligas,  
pauca quædam tibi significanda duximus; ex qui-  
bus cætera facile conijcias. Habuerunt olim Reli-  
gionis huius Professores, sicut à Romanis Pontifici-  
bus prædecessoribus nostris memoria proditum  
est, sui instituti auctores Sanctos Prophetas *Eliam* &  
*Elisam*, omnibus nationibus & gentibus notos, &  
à *B. Alberto* Patriarchâ Hierosolymitano; magni  
nominis viro, proprias regulæ constitutiones acce-  
perunt; quibus illis in primis præcipitur, vt sum-  
mam obedientiam, perpetuam paupertatem, &  
castitatem seruent, deinde vt in lege Domini me-  
ditantes, contemplationi & orationi vacent, tum  
prædicationi verbi Dei, atque animarum saluti in-  
cumbant; atque ideò ad regiones longinquas mit-  
tuntur. Et iam *Hispaniarum Regna*, & *Indiam Occi-*  
*dentalem*, nonnullasq; *Italia Ciuitates* peragra-  
runt, bonorum temporalium (vt illorum quoque  
viuendi rationem accipias) nec communi quidem  
nomine, proprietatem, aut vsum retinent: & quo-  
tidianum victum, aliaq; ad Ecclesiarum cultum, &  
vsum vitæ necessaria, ex piâ eleëmofynarum obla-  
tione capiunt: nudis pedibus *Apostolorum more*, so-  
leis vtentes incedunt, vnde *Discalceati* nuncupan-  
tur; perpetuo à carnibus abstinent, corpus vigilijs,  
& ieiunio macerant, horrido cilicio domant, &  
crebris verberibus in seruitutem redigunt, vt legi-  
mentis non repugnet, & in omnibus diuinæ subia-  
ceat voluntati. Dumq; se à carnis petulantia, & ter-  
renarum rerum ambitu atque à visibilium volupta-  
te custodiunt, ab his etiam alios admonendo com-  
pescunt. A te igitur petimus, vt illos & libenter au-  
dias, & Christianas functiones cum fidelibus subdi-  
tis tuis exercere permittas; nec verò incultum, &  
rudem illorum vestitum despicias; nam si vitam &

*Quinam  
sint Ord.  
Carmelit.  
ex senten-  
tia Romæ.  
Pontif.  
Funda-  
tores.*

*Commen-  
dat & de-  
scribit  
Pontifex  
Carm.  
Discal-  
ceat. vi-  
uendi ra-  
tionem.*

mores inspexeris, experieris vt in Domino confidimus, sub illo vili, asperoque indumento latere quasdam præclaras animi dotes, atque virtutes, quibus se & Deo, & hominibus gratos præbere student. Et licet pedibus longinqua loca peragrantes puluere conspergi, & inquinari luto videantur, et eorum tamen colloquijs, & vsu frequenti competies, vt speramus, quam ab omni labe immunes, quæ à rerum humanarum colluue liberi, quam demum speciosi sint pedes Euangelizantium pacem, Euangelizantium bona. *Datum Romæ apud sanctum Marcum, die quintâ Octobris, anno 1604 Pontificatus nostri 13.*

Ita CLEMENS VIII. ad Regem illum paganum, prout & ad fidelissimum Galliarum Regem PAULVS V. cuius hæc sunt verba:

*Charissimo filio Henrico Francorum Regi Christianissimo, Paulus V.*

*Charissime in Christo fili noster, &c.* Hoc vno folatio in tot tantisque nostris laboribus atque sollicitudinibus recreamur, quod etsi humani generis hostis perpetuus numquam cessat, nouis artibus atque perturbationibus, diuinum cultum, & salutem animarum impedire; non desunt tamen ex alterâ parte, qui zelo honoris Dei, & proximi charitate intenti, satagunt verbo & exemplo errantes in semitam rectam redigere, & laborantibus in vinea Domini, auxilium & consolationem afferre. Ex quorum numero certe sunt *dilecti Filij Fratres Carmelitani Discalceati*, qui & in hac almâ Vrbe nostrâ, & per Italiam ferè totam cum magno animarum emolumento assidue laborantes, orationibus, ieiunijs, prædicationibus, confessionibus, alijsque pijs operibus intenti, eximia pietatis & religionis exempla edidère; ita vt meritò à nobis plurimum in Domino diligantur, atque ab omnibus in magnâ veneratione habeantur. Cum autem intellexerimus hunc religiosissimum Ordinem valde desiderari

rari in florentissimo maiestatis tuæ regno, & existimemus horum hominum piorum præsentiam perutilem fore, instaurationi antiquæ illius disciplinæ Ecclesiasticæ, cuius merito regnum istud *Christianissimum* appellatum fuit; quam tu quoque non minus prudenter, quam piè cupere te ostendis; his nostris litteris maiestatem tuam hortari, etiam atque etiam volumus, ad *Carmelitarum Discalceatorum Ordinem* in Galliam introducendum. Confidimus quippe te breui experturum magnam utilitatem ex eorum cum subditis tuæ maiestatis consuetudine. Mirum certè est, quantum valeant ad pietatem in hominum animis introducendum; utpote qui nihil aliud quærant quàm Dei gloriam, & animarum salutem, summam paupertatem in simplicitate cordis colentes. Venerabilis Frater noster *Franciscus Cardinalis de Gioysa*, qui has nostras litteras tibi reddet, vberius adhuc de sanctitate huius religiosi Ordinis docebit mandato nostro, & ad hoc piium opus efficaciter exhortabitur: petimus à te illi, eandem prorsus fidem adhibeas, quam nobis haberes, si te alloqueremur, ac demum tibi persuadeas, gratissimum nobis fore, si intellexerimus *dilectos* nostros *filios*, Fratres *Discalceatos Carmelitanos* in amplissimo tuo Galliarum regno sub maiestatis tuæ patrocínio atque tutelâ exceptos fuisse, mansionemq; firmam ac stabilem, ut desideramus, locauisse. Deum quæsumus te continuâ protectione custodiat, & cum incremento zeli reparandæ Catholicæ religionis, augeat in te dona suæ Sanctæ gratiæ, & maiestati tuæ ex intimis cordis nostri visceribus benedictionem nostram Apostolicam tribuimus. *Datum Roma apud sanctum Petrum 12. Cal. Maij, 1610. Pontificatus Quinto.*

Non dissimiles dedit idem Pontifex litteras ad *Sereniss. Electorem Colonensem*, in quibus inter alia hæc habentur: *Quantum utilitatis sperandum sit ad Ecclesiam sanctæ Catholicæ exaltationem, & quantum*

adiumenti in tuis pastoralibus laboribus tibi polliceri  
 possis ex istis bonis operarijs, fructus animarum, qui  
 admirabilis colligitur, ubicunque hætenus se receperunt,  
 abunde demonstrat. Soli Deo seruiunt, eius honoris,  
 & animarum utilitatis tantummodo satagunt,  
 cœlestia meditantur, terrena despiciunt doctrina &  
 charitate Apostolica pleni, Christianam virtutem  
 quam verbo docent, exemplo demonstrant: sed hæc  
 fraternitati tuae satis comperta esse existimamus,  
 ideoq; tanto magis fraternitatem tuam hortamur atq;  
 efficaciter requirimus, ut amanter, sicuti speramus,  
 Carmelitanorum Fratrum Discalceatorum vestras  
 annuas, illis domicilium opportunum, pijs & salutaribus  
 functionibus eorum tribuas, atque omnibus  
 charitatis officijs, pro consuetâ pietate, ac benignitate  
 tua ipsos, nostri potissimum causa prosequaris: nam  
 ita eos tibi commendamus, ut maiori studio, animiq;  
 nostri affectu, non possimus. Omnipotens &  
 misericors Deus super te clementer respiciat, cogitationes,  
 & consilia omnia in suo sancto benèplacito  
 disponat, atq; perficiat, teq; continua protectione custodiat.  
 Dat. Tusculi 7. Calend. Iunij 1613.

Plurimum quoque eorundem Discalceat. zelum  
 extollit in Bulla, quæ incipit, Totius terrarum Orbis  
 &c. Magnopere, inquit, pergauisi sumus, cum  
 pium zelum dilectorum Filiorum Religiosorum Ord.  
 Carmel. Discalceat. Christianæ fidei incrementum  
 summo studio affectare perspeximus. Quandoquidem  
 ipsi Religiosi non solum, ut iam cœperunt, ad conuersionem  
 Infidelium, quocunque opus fuerit, se alacriter  
 profecturos profitentur: sed etiam in generali Capitulo  
 nuper ab ipsis celebrato, ut capto operi validioribus  
 viribus, ac maiori cum fructu incumbere possint, decreuerunt  
 domos & Monasteria erigere, in quibus  
 Religiosi, qui ad huiusmodi messem aptiores videbuntur,  
 diuersarum linguarum scientiam, & controuersiarum  
 peritiam, ad euertendos errores Hæreticorum,  
 Saracenorum, Schismaticorum, Gentilium &  
 Iudæo-

Iudæorum necessariam addiscere, & maioribus vigilijs, abstinentijs, orationibus, alijsq; virtutum exercitijs assuescere possint, ac melius tanto se operi disponant, &c.

Præterea refert R. P. Thomas à Iesu in suo stimulo missionum, siue de propaganda fide per uniuersum Orbem part. 4. cap. 7. PAVLVM V. non semel dixisse, se pro comperto habere, nullam Religionem in Ecclesia Dei aptiorem esse Carmelit. Discalceat. ad opus missionum; quare Indulgentiam plenariam omnibus Religiosis huius Ordinis concessit, qui publicè bis in anno suam renouantes professionem, missionibus iuuandis, siue pro conuersione infidelium & Hæreticorum se ituros offerrent.

Denique GREGORIUS XV. in suis litteris dat. an. 1621. sic inquit: *Cum sicut magno cum spirituali gaudio nostro accepimus, dilecti filij Religiosi Ord. B. MARIÆ de monte Carmelo, Carmelitæ Discalceati nuncupati, tam in Hispaniarum Regnis, quam in Italia, & noui Orbis, alijsq; mundi partibus pergant assidue Deo, & Ecclesia sancta sua perfectum exhibere famulatum, non solum ipsi Deo per orationem & contemplationem sedulo vacantes, verum etiam animarum salutem exemplo & doctrina sollicitè procurantes, cumq; indies fructus uberiores ex dicta Religionis propagatione, benedicente Domino, sperandè sint, &c.* Solent quoque, vt præfatus Pontifex, in quodam diplomate tradit Carmelitæ Discalceati in qualibet Ordinis sui prouincia, Cœnobium habere Eremiticum, in siluis & locis ab omni hominum commercio disitis extructum, in quo commorantes iugi orationis, precum, ac vigiliarum studio, assidua corporis mortificatione, alijsq; pijs operibus, omnibus fidelibus totiq; Ecclesiæ quam maximè student prodesse. Quam eximia vero sanctimonia Discalceati in dictis eremis niteant, docet Eruditissimus P. Ioannes de Ponte Dominicanus tō. 1. conuenientiæ vtriusque Monarchiæ Catholicæ

*lib. 1. cap. 4. his verbis: Saculo hoc nostro felicissimo Patres Carmelitæ Discalceati, Seraphica Virgini Theresiæ alumni, replent deserta nostra æmulantes sanctos Hilariones & Antonios in vita instituto. In Septembri anno 1609 ad id desertum, vulgo Batuecas dictum, Prouincia Castella veteris, visitans sanctos illos Eremitas absconditos in antris & cauernis montium & reclusos in concavis arborum truncis. Deprehendi eos innocentia & simplicitate infantes, virtute gigantes, Angelos puritate, caritate Seraphinos, Contremui in eorum presentia, admirans opera & magnalia Dei & laudans eum in Sanctis suis. Nouam maximamq; saluationis meæ concepi fiduciam per orationes hominum tam mirabilem & prodigiosorum. Hæc ille de Discalceatis Eremitis.*

Quantum etiam honoris Carmelitis Discalceatis semper sedes Apostolica detulerit, vel ex eo cuius constare poterit, quod non semel illos assumpsit ad alias Religiones reformandas; & ne longior sim, alijs missis, solum duo exempla adducam. *Clemens Papa VIII. in Bulla, quæ incipit de Religiosorum quorumlibet statu, &c. Dat. an. 1599. die 10. Iulij, deputauit ac constituit Superintendentem Ordinis Fratrum Discalceatorum seu Reformatorum S. Augustini P. F. Petrum à Matre Dei Carmelitam Discalceatum, illiq; dictum Ordinem regendi & gubernandi, eiusq; Statuta & Constitutiones examinandi, & reformandi, ac eorum, & Regularis, ac Ecclesiasticæ disciplinæ obseruantiam introducendi &c. ac denique omnia, & singula, quæ ad dicti Ordinis prosperam directionem, ac felix regimen & gubernium pertinent, gerendi, ordinandi, mandandi, & exequi faciendi plenam, liberam, & amplam facultatē authoritatēq; concessit ac imperijt. Ad eundem effectum assumptus est Autoritate eiusdem Pontificis, ex eodem Carmelit. Discalceat. Ord. in Visitatorem Fratrum Reformatorum seu Discalceatorum Ordinis SS. Trinitatis*

Re-

Redemptionis captiuorum, R. P. F. Elias à S. Martino, Vir pietate, prudentia, doctrina & experientia, ac imprimis Religionis zelo præstans: qui multo tempore cum eis commoratus, ipsorum regimini, directioni, reformationi ac moderationi diligentem nauauit operam.

Quot verò gratiarum & Priuilegiorum indultis *Ordinem Carmelit.* vltro semper cumulauit *Romani Pontifices* longum foret enarrare. Consulat Lector curiosus super his P. *Ferdinandum à S. Maria*, P. *Ildephonsum à Iesu Maria*, & alios qui in hoc argumento desudarunt.

Lubet hic pro coronide subiungere aliquot Sanctorum Virorum de hoc Ordine Prophetias, & diuinas reuelationes. Imprimis perpetua eius duratio reuelata est sancto *Petro Thoma* Patriarchæ *Constantinopolitano*, Apostolicæ Sedis *Legato*, & inclyto Christi Martyri. Hic dum pro Ord. Carmelit. perpetua conseruatione & augmento frequentes ad Deum, & Beatissimam Virginem preces fanderet, & vna nocte Pentecostes instantius id postularet, à Deipara Virgine mirabili hoc responso dignatus est: *Confidito Petre Religio enim Carmelitarum in finem vsq; sæculi est perseueratura; Elias namque eius Institutor iam olim etiam à Filio meo, in illius transfiguratione id petijt & impetrauit.* Hæc reuelatio in officijs proprijs Sanctorum huius Ordinis, anno 1628. Romæ à Sac. Rit. Congregat. approbata fuit. Vnde & versus ille B. V.

*Dum fluet vnda maris, curretq; per athera Phœbus,  
Viuet Carmeli Candidus Ordo mihi.*

Eandem Ordinis huius perpetuam durationem, celebremq; per S. V. *Theresiam* factam anno 1562. Reformationem, sanctitatem quoque & merita manifestauit Diuina Maestas multis retro sæculis, S. *Pachomio*, insigni Eliani instituti in Thebaide *Restauratori*, vti refert ex Simeone Metaphraste R. P. *Ioseph à Iesu Maria* in vita V. P. *Ioannis à Cruce*  
lib. I.